

御纂醫宗金鑑卷十九

訂正仲景全書金匱要略註上之二

百合狐惑陰陽毒病脈證并治第三

論曰百合病者百脈一宗悉致其病也意欲食復不能食常默默然欲臥不能臥欲行不能行欲飲食或有美時或有不用聞食臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脈微數每溺時頭痛者六十日乃愈若溺時頭不痛者漸然者四十日愈若



御纂醫宗金鑑卷十九

訂正仲景全書金匱要略註上之二目錄

百合狐惑陰陽毒篇第二

百合地黃湯

百合滑石散

百合洗方

栝蒌牡蠣散

百合知母湯

滑石代赭湯



百合雞子湯

甘草瀉心湯

苦參湯

雄黃薰方

赤小豆當歸散

升麻鱉甲湯

瘧病篇第四

鱉甲煎圓

白虎加桂枝湯



北京中醫藥大學圖書館版權所有
1994

蜀漆散

中風歷節篇第五

烏頭湯

桂枝芍藥知母湯

血痺虛勞篇第六

黃耆桂枝五物湯

桂枝加龍骨牡蠣湯

小建中湯

黃耆建中湯



酸棗湯

大黃廔蟲圓

薯蕷圓

肺痿肺癰欬嗽上氣篇第七

葶藶大棗瀉肺湯

桔梗湯

甘草乾薑湯

射干麻黃湯

麥門冬湯



北京中醫藥大學圖書館版權所有
1964

皂莢圓

越婢加半夏湯

小青龍加石膏湯

厚朴麻黃湯

澤漆湯



北京中醫藥大學圖書館版權所

御纂醫宗金鑑卷十九

訂正仲景全書金匱要略註上之二

百合狐惑陰陽毒病脈證并治第三

論曰百合病者百脈一宗悉致其病也意欲食復不能食常默默然欲臥不能臥欲行不能行欲飲食或有美時或有不用聞食臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脈微數每溺時頭痛者六十日乃愈若溺時頭不痛者漸然者四十日愈若



溺快然但頭眩者二十日愈其證或未病而預見
或病四五日而出或病二十日或一月微見者各
隨證治之

註

百合百瓣一蒂如人百脈一宗命名取治皆
此義也百合病者謂人百脈一宗悉致其病
也曰百脈卽一脈也猶言百體一體也是蓋
以周身言之也周身之脈分而言之曰百合
而言之曰一故曰百脈一宗若曰百合之病
總脈病也脈者謂十二經脈三百六十五絡



南京中醫藥大學圖書館版權所有

脈也傷寒大病之後餘熱未解百脈未和或
平素多思不斷情志不遂或偶觸驚疑卒臨
景遇因而形神俱病故有如是之現證也百
脈周於身脈病則身病故身形如和不和欲
臥不能臥欲行不能行也百脈通於心脈病
則心病故常默默也如寒無寒如熱無熱似
外感而非外感也意欲食復不能食或有美
時或聞食臭有不用時似裏病而非裏病也
至脈數口苦小便赤者是鬱結之熱雖侵裏

而其熱未甚也方其初病之時醫者不識誤
爲表裏之病以藥汗下之故劇吐利也雖
吐利不變諸逆若有神靈身形如前之和
脈則比前微數故其勢卽不能遽進不覺加
甚而亦不能速愈也試以緩愈之期約略言
之重者不過六十日輕者不過二十日輕重
之間者不過四十日可愈也然愈必以每溺
時頭痛不頭痛惡風不惡風快然不快然辨
者以經脈之邪莫不由太陽而愈也頭痛惡



風是其經之候也。溺時快然是其府之徵也。其證或未病而預見者，其證指百合病等證言也。未病言未病傷寒病也。猶言未病傷寒之前而預先見百合飲食不食等證也。或病四五日而出謂已病傷寒之後而始見百合病證也。預先見者是先有情志不遂偶觸驚疑而召病也。或病二十日或一月纔見者是因傷寒病後而纔見也。故曰各隨證治之也。

集註

李杲曰：活人書云：傷寒大病後氣血未得平。

復變成百合病今由百脈一宗悉致其病觀
之當是心肺二經之病也如行臥飲食寒熱
等證皆有莫可形容之狀在內經解你病似
之觀篇中有如神靈者豈非以心藏神肺藏
魄人生神魄失守斯有恍惚錯妄之情乎又
曰內經云凡傷於寒則爲病熱熱氣遺留不
去伏於脈中則昏昏默默凡行臥飲食寒熱
皆有一種虛煩不耐之象矣

沈明宗曰若邪淫於胸中連及上腕則意欲

食復不能食走於肝腎故常默默流入脾胃
故欲臥不能臥欲行不能行邪不在胃飲食
或有美時壅抑胃氣則聞食臭流於膽則目
苦流於膀胱則便赤以上諸證非一齊並見
皆移易變動而見也

百合病見於陰者以陽法救之見於陽者以陰法
救之見陽攻陰復發其汗此爲逆見陰攻陽乃復
下之此亦爲逆

註

此承上條以明其治也百合一病難分陰陽

表裏故以百合等湯主之若病見於陰者以
溫養陽之法救之見於陽者以涼養陰之
救之卽下文見陽攻陰或攻陰之後表仍
解復發其汗者此爲逆見陰攻陽或攻陽之
後裏仍不解乃復下之者此亦爲逆也

集註

徐彬曰內經所謂用陰和陽用陽和陰卽是
此義故諸治法皆以百合爲主至病見於陽
加一二味以和其陰病見於陰加一二味以
和其陽

李延曰百合病多端數條之法亦說不盡

沈明宗曰此治百合病之總要法也微邪

於營衛流行而病表裏當分陰陽以施救

可也

百合病不經吐下發汗病形如初者百合地黃湯

主之

註

百合一病不經吐下發汗病形如初者是謂

其病遷延日久而不增減形證如首章之初

也以百合地黃湯通其百脈涼其百脈中病



勿更服恐過服生地黃大便常如漆也

百合地黃湯方

百合 七枚

生地黃汁 一升

右以水洗百合漬一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便常如漆

集解

程林曰百合花葉皆四向故能通達上下四旁其根亦衆瓣合成故名百合用以醫百合



南京中醫藥大學圖書館版權所有

病也有以夫

高世栻曰百合色白味甘手太陰之補劑也

其花晝開夜合如氣之日行於陽夜行於陰

司開闔以行榮衛和陰陽

百合病變發熱者百合滑石散主之

註

百合病如寒無寒如熱無熱本不發熱今變

發熱者其內熱可知也故以百合滑石散主

之使其微利熱從小便而除矣

百合滑石散方